

اصول مبعوثیت

دن

قاعده نسبت

قاعده نسبت Proportionalité - افکار مختلفه ده بولنار منتخبلرک مقدار و اهميته نسبتاً هیئت مبعوثان اعضاسنک انتخابندن عبارتدر . اشبو قاعدهنک غایه سی اکثریت عمومیهنک ترجان افکار و آمالی اوله بیله جک بر هیئت تشریعیه نک تشکلی تأمین ایلدکدر . اقلینه محکوم اولان فرق سیاسیهنک دخی هیئت مذکورده بر نسبت طبیعی دأره سنده وکیل بولند بر مسمی بو قاعدهنک جمله احکامنددر که اساسی حاکمیت ملندر . تطبیق اولنان اصول انتخابیهنک عدم مکملیتی اقلیتده قالان فرقه لرک مغدوریتی اکثریا موجب اولمقده اولدیغندن بعض ارباب حقوق طرفندن فرق مختلفه آراسنده قاعده نسبتک محافظه حکم و نفوذی مقصیده بعض اصول انتخابلر تصور واحداث اولندی که اک مهم لرینی بر وجه آتی موضوع مذاکره ایده جکر .

رای منضم اصولی Système du vote cumulative - اشبو اصول

موجبجه هر منتخب پوصله سنه عینی نامزدک اسمنی آرزو ایلدیکی قدر قید و تحریر ایده بیلور . مثلاً بر دأره انتخابیه ده اوج مبعوثک انتخابی فرض ایدیلور ایسه هر منتخب پوصله سنه ایکی و یا خود اوج دفعه عینی نامزدک اسمنی اشارت ایدر هر حالده اشبو اصول فرق سیاسی موجوده نک یکدیگرینک قوت و اهميته لایقيله اگاه و مطلع اولمینی ایجاب ایتدیرر . چونکه مثلاً اکثریتی حاز اولان فرقه قوتی حد حقیقیسندن دون تخمین ایلر رأیلرینی یا لکتر بر قاج نامزدک انتخابه حصرو تحدید ایده جک اولور ایسه نسبتاً ده اآز مبعوث چیقاره جنی کبی بالعکس اقلیتده بولنان فرق دخی اکثرینک اشبو جرأتسزلکنی نظر اعتباره آله رق قوتی ده اچوق نامزد اوزرینه تقسیمه اظهار جسارت ایلدیکی تقدیرده طرفدارانسنک مقداریله غیر متناسب بر صورتده چوق مبعوثک انتخابه موفق اولسه جنی درکاردر .

رأى محدود اصولی *Système du vote limité* - اشبو اصوله توفيقاً هر منتخب بر دأره انتخابیه ده انتخاب اولنه حق مبعوثلرک عددندن دائماً برین نقصان برافرق نامزدلری پوصله سنه اکاکوره قید ایدر. مثلاً مبعوثلرک عدی اوج ایسه پوصله سنه یالکز ایکی نامزدک اسمنی اشارت ایلر.

انکلتزه. ایتالیا و پورتیکیزده تطبیق اولنش اولان اشبو اصول انتخاب حخته سیاستده یالکز ایکی فرقتهک موجودیته مساعد اولوب تطبیقده اکثریا بیوک حقسزلقلرک ظهوریسه باعث اولمقددر. مثلاً اکثریته مالک اولان فرقته قوتنی حد حقیقیسندن فضله فرض و تخمین ایله ده چوق مبعوث انتخابه نشبت ایده جک اولور ایسه قوتی بوضورتله انقسامه دوچار اوله جفتدن مقدار آراسته نسبتاً ده آز مبعوث حیقارمق مخاطره سنه معروض قالمش اولور.

آندرا اصولی *Système Andrae* - دایمارقده ۱۸۸۵ تاریخندنبری جاری اولان اشبو اصول انتخابه نظراً هر دأره انتخابیه ده منتخبلرک مقداری انتخاب اولنه حق مبعوثلرک عددینه تقسیم اولندقدن صکره حاصل اولان خارج قسمت قدر رأی قزانلن نامزدلر صهرسیله مبعوث اعلان اولنورلر. مثلاً بر دأره انتخابیه ده بیک منتخب ویش مبعوث فرض اولنور ایسه خارج قسمت یعنی هر مبعوثک قزانمسی ایجاب ایدن آرانک مجموعی ایکوز اولدینی تعین ایلر. کدن صکره هر منتخب پوصله سنه ترجیح ایلدیکی نامزدلرک اسملری ده اول یازمق صورتیه بش نامزدک اسمنی قید ایدر. بعده پوصله لر تدقیق اولنهرق اک اوستده بولنان اسملر جمع و ایکویز رأی قرانجه مبعوث اعلان اولنورلر. موضوع مقال اولان اصولک محذوری عادتاً قرعه چکرجه سنه تدقیقنه باشلانیه حق شو وشو پوصله یه کوره مختلف ویر قاعده مطرده یه غیر مستند تیجه لرک ظهوریسه میدان آچسیدر.

هار اصولی *Système Hare* - اشبو اصول موجبجه دخی بتون مملکت ایچون عمومی و مشترک بر نامزد جدولی ترتیب و احضار ایدیلرک هر منتخب پوصله سنه یالکز بر نامزدک اسمنی قید و اشارت ایدر. نتیجه انتخابده مبعوثلرک

قزاقش اولدقلری آرانک مجموعنه کوره تضعیف ایدیلرک انک زیاده رأی آلانلر مبعوث اعلان اولنورلر . فوق العاده بسیط کورینسان اشبو اصولک تطبیق آئده ایکی بیوک محذوری واردر . اولاً انتخاب اولنه حق مبعوثلرک قزانه جقلری رأیلر آراسنده عظیم بر نسبتلرک ظهور ایدر مثلاً بعض مبعوثلر یوز اللی بیسک رأی ایله انتخاب اولدقلری حالده بعضلری دخی آنجق بیسک رأی ایله تأمین موفقیت ایدمیلورلر . ثانیاً اقلیتده بولسان فرقلر اکثریا اھمیتلریله غیر متناسب بر صورتده چوق مبعوث انتخاب ایدرلر هر حالده موضوع مذاکره اولان اصوللرک تطبیقی تجارب عدیده ایله متحصل بیوک بر تربیة فکریه و سیاسیه نک وجودینه متوقف اولدینی مستغنی بیاندر .

ملکات سیاسیه سی مفقود اولان بزم کی بر قوم مبتدیده فرق سیاسیه هنوز تشکل ایلمدیکندن اکثریت ایله اقلیت آراسنده بر نسبت عادلہ تأمین ایلمک مقصدیله تصور واحداث اولنان اصول مشروحہ نک تطبیق و اجراسنه هنوز لزوم تحقّق ایلمدیکی بر امر طبعیدر شوقدرکه ملک عثمانیه نک عناصر مختلفه دن مرکب اولسنه نظراً عناصر مذکورہ نک نفوسه نسبتاً مبعوث انتخابنه اسباب موفقیتلری نک تحت تأمینہ آئینی مقتضیات متحتمه دندر تاکہ نتیجہ انتخابده تشکل ایدمک هیئت مبعوثان افکار عمومیه نک ، ارادات ملیه نک ترجمان حقیقیسی اولمیلسون چونکہ هیئت مذکورہ طرفندن وضع وتنظیم اولنه حق احکام قانونیه اکثریت عمومیه نک منفعت و تمایلنه ، احتیاجانه ، ترقی و تکاملنه توافقی ایلمزایسه مدت مدیده بایدار اولمیه جفندن ماعدا امثال متعدده تاریخیه دلالتیلہ ثابت اولدینی اوزره اکثریا هیئت اجتماعیه و سیاسیه نک انقلابی استلزام ایدمک اختلافات عظیمیه سبب مستقل اولور ذاتاً بر قانونک قوتی افکار و حسیات عمومیه یه اولان نفوذ معنویسیله قائمدرکه بوده آنجق شرائط اساسیه آفیه مطابقت کلیه سیله حصولپذیر اولمیلور بناءً علیہ عناصر مختلفه یکدیگریسک غفلتندن ، امور انتخابیه کی تجربه سزلکنندن استفاده یه توسل ایتیمک قاعده نسبتہ بوفیقاً هیئت مبعوثانمزلک سربست بر صورتده تشکل ایلمسنه ال بر لکیله صرف

غیرت ایدلمیدر عکسی تقدیرده اصول مبعوثنك مستدالیهی اولان حاکمیت ملنك
ایجابانه تمامیه مغایر حرکت ایدلمش اوله جفندن اصول مذکورده دن فواید یرینه
مضرات ناقابل تعمیر مضراتك تولدی امور طبعیه دندر. بزده قاعده نسبت
نصل اخلاص اولنه بیلور؟

معلومدرکه انتخاب مبعوثان قانونی موجبینجه مبعوثلر برنجی درجه
منتخب اولان هر بشیوز کشینك بر منتخب ثانی انتخابسه صلاحیتدار اولسی
صورته ایکی درجه منتخبلر طرفندن انتخاب اولمقده درلر. ایمدی معاملات
انتخابیه ایله هنوز کسب الفت ایتمیان منتخبین مسلمنه چکندرده اجرا اولنان بلدییه
انتخابانده وقوعبولدیغی مثللو حسیات سیاسیه نك روحی مثابه سنده بولنان حق
انتخابدن استفاده خصوصنده تجویز تراخی ایلرایسه انتخاب اولنه حق مسلم وغیر مسلم
منتخب ثانیلر آراسنده کی نسبت حقیقیه نك خللدار اوله جفی امور طبعیه دن
بولمنسه نظراً نتیجه انتخابانده اقلیتده قالمسی اقتضا ایدن عناصر غیر مسلمنه نك
عناصر اسلام قدر و بلکه آندن دها چوق مبعوث انتخابسه موفقیقی احتمالات
قویه دندر. کذلک مسلم وغیر مسلم منتخب اوللرک کافه سی حق انتخابلرندن بحق
استفاده ایلدکلری فقط انتخاب اولنان مسلم منتخب ثانیلر عینی مبعوثلرک تعییننده
اتفاق ایده میوب حد لایقندن زیاده تشدت وانقسامه دوجار اولدکلری فرض
اولنورایسه ینه عناصر اسلامك نفوذینه نسبتاً آرمبعوث انتخاب ایده جفی و بلکه
اقلیتده قاله جفی قویاً ملحوظدر. مثلاً بر سنجاقده انتخاب اولسان مسلم منتخب
ثانیلر ایکی یوز وغیر مسلملر یوز و انتخاب اولنه جق مبعوثلرک مقداری دخی
اوج فرض اولنورایسه قاعده نسبتیه توفیقاً ایکی مسلم و بر غیر مسلم مبعوثك
انتخابی ایجاب ایدرکن شاید مسلم منتخب ثانیلر آرازلنده اتفاق ایتمیوب اوج
مبعوث یرینه سکر مختلف مبعوثك انتخابیه تشبث ایدجک اولورلر ایسه هر مبعوثه
اصابت ایده جک اولان رأیلرک مجموعی یالکر یکر می بش اوله جفندن عناصر
اسلامك هیچ بر مبعوثك انتخابیه موفق اوله مامسی مخاطره سنه معروض قاله جفی
آشکاردر. حالبوکه انتخاب مبعوثان قانونی موجبینجه سنجاق اعتباریه تقسیم اولنان

دوای انتخابیه نك همان كافه سنده كرك منتخب اولارك و كرك منتخب ثانيلرك اكثریتی عناصر اسلامده بولنق حسیله تشكيل ایدجك مجلس مبعوثانده عظیم و مطلق بر اکثریت مظهریتی ایجابات طبیعیه دندر . فرضیات مسرووده به مغایر اوله رق هر سنجاقده انتخاب اولنه حق مسلم منتخب ثانیلر آراسنده اتفاق تامك حصوله احتمال ویرلدیکی تقدیرده بحر سفید ولایتله روم ایلیده بعض سنجاقلر خارج طوتلدینی حالد سار بتون سنجاقلرده مسلم منتخب ثانیلرك اکثریت مطلقه سی غیر قابل انكار اولدیغندن دوای انتخابیه نك همان كافه سنده هیچ بر غیر مسلم مبعوثك انتخاب اولنماسی اقتضا ایلر چونكه بالاده ایراد اولسان مثاله نظراً ایکیوز فرض اولنان منتخب ثانیلر معین اوج مبعوثك انتخابیه اتفاق ایدجك اولورلر ایسه مقاله اخیره مزده بیان وایضاح ایلدیكمز جدول اصول انتخابیه كوره هر منتخب ثانی سنجاق داخلنده انتخاب اولنه حق مبعوثلرك عددی قدر نامزدك اسمنی یعنی اشبو مثاله اوج نامزدك اسمنی پوصله سنده قید ایدجكنه نظراً هر بر مسلم مبعوث ایکی یوزر و غیر مسلم مبعوث ایسه یوزر رأی قزانه جقلرندن غیر مسلم هیچ بر مبعوثك انتخاب اولنیه جفی طبیعیدركه بو نتیجه نك دخی قاعده نسبتك احكامنه مغایر دوشه جکی غیر قابل اریابدر . الحاصل هر سنجاقده مسلم منتخب اوللر حق انتخابلرندن تمامیه استفاده به اعتنا ایتسكه برابر انتخاب اولنه حق مسلم منتخب ثانیلر دخی عینی مبعوثلرك امر تعیننده متفقاً حرک ایدجك اولورلر ایسه عناصر اسلامك همان بتون دوای انتخابیه ده تأمین اکثریت ایدجیه جکی و بالعکس منتخب اوللر اعطای رأیدن استسکاف ایدرلر و منتخب ثانیلر دخی ینلرنده مشترك بر جدول مبعوثان ترتیب و تطبیقنه موفق اولمزلر ایسه اقلیده قاله جفی بی اشتباهدر .

اوکمزده کی دوره انتخاب ایچون واجب التوصیه اولان تدایرك ایلدی مسلم و غیر مسلم منتخب ثانیلرك الجای اخوت و وطنپروری ایله ارالرنده بالاتفاق هر عناصرك نفوس ذکوریتیه نسبتاً مبعوث انتخابیه حق مشروعنی تسلیم و تأمین و قاعده نسبتك مقتضیانیه توفیق حرک ایتلریدر . مسرودات واقعه دن مستبان

اولدینی وجهله منتخب ئاسیلك وظیفه سی غایت نازگدر .

منتخب ئانیلر طوغریدن طوغری به انتخاب ایده جکلری مبعوثلرک کرک ارلرنده کی نسبتدن و کرک افعال و حرکات آیه سندن ملت نظر نده معناً مسئول عداولنه جقلرندن منافع شخصییه و تسویلات ملحوظه یه قایلیمه رق کمال احتیاط و بصیرت ایله ایفای وظیفه ایلملری اقتضا ایدر . منتخب اوللره کلنجه حق انتخابلری برامر اختیاری دکل بلکه بر وظیفه اجتماعیه عد و اعتبار ایدرک بهمه حال حسن ایفایه الارندن کلدیکی قدر صرف سعی و غیرت آیمکله مکلف اولدقلری بیلملیدرلر اوصاف قانونیه یی حازر اولدینی حالده حق مذ و رک استعمالی خصوصنده مجوز تراخی ایدن منتخب نعمت حریتیه ، صفت مدینه عدم لیاقتی علناً اثبات ایلر هرکس وطن مقدسسه اولان محبتی بی سود نمایشلر اجراسیله دکل حسیات سیاسییه نك روحی مثابه سنده اولان حق انتخابی حسن استعمال ایتمک کبی وظائف سیاسییه نك ایفای ، فضائل اجتماعییه نك اظهار یله اثبات ایلیدر . قانون اساسینک تأسیس ایلدیکی اصول مشروطیتک اساسی انتخاب اولدینی کبی یارین منافع سیاسییه ، اجتماعیه و اقتصادییه مزك الحاصل هیئت اجتماعییه مزك امر اصلاح و استکمالی تودیع ایده جکی مجلس مبعوثانک اساسی دخی ینه انتخاب اوله جغنی خاطر دن بر لحظه دور طوتماملیز بوندن صوکره انتخابک محور حیات سیاسییه مز ، کافل اقبسال و تعالیمز اوله جغنی فکرلر مزده لایقیه ققرر ایلیدر . الحاصل قانون اساسیمزک بخش ایلدیکی تأمینآدن حصه مند استاده اولمق ، شاعراه ترقی و تکاملده قطع مراحل ایلیمک ، داخلأ قوت و سطونمزی خارجأ موقع سیاسییمزی تأمین ایتمک کافه حرکات و سکنا تمزه وقف انظار دقت ایدن اورد و پایه قارشی قانون اساسینک احکام جلیله سنی مدرک اولدیغمزی کوسترمک ارزو ایدر ایسه ک حق انتخابمزدن بحق استفاده یه تشمیر ساق غیرت ایلیم .

پارس دارالفنون حق و علوم سیاسییه

مکتبی ماذونلرندن

سوخته زاده احمد